



Getricus Erici disertis regis Gothorum primo genitus fuit, qui post fata patris hæreditaria successione & concordî procerum electione ad Gothici regni scepra peruenit. Huius uerò frater Haldanus apud Sueones patri successit. Cum autem Getricus magna fortitudine & rei bellicæ peritia esset præditus, cum maximo suorum exercitu expeditionem in remotiores gentes suscepit. Primò Pomeranos aggressus prælio commisso uictor euasit. Postea uictores sese in tres partes diuiserunt. Pars una post multos & uarios errores ad Heluetiorum alpes peruenerunt, in quibus locis iam antea Cimbrici exercitus reliquiæ confederant. Ho-

rum posteritas postea Suetziâ à progenitoribus appellata fuit. altera manus in Scotiam perueniens, gentem Pictorum condidit, Anno Christi septuagesimo secundo, id quod etiam Anglicana Historia testatur lib. 2. Reliqui cum Gethrico superatis Ulmerugis, Curetibus, Samogethis, & Estonibus tandem post plurimorum annorum militiâ in Gothiam uictores redierunt. Ibi Gethricus post gloriosam regni administrationem in multos & felices annos cõtinuatâ, tandè in fata apud suos Vuestrogothos cõcessit. Ioan. Mag. li. 5. c. 1.